

տաւորն և առաջի արտրեալ զամենայն գրեանս, յայտ արարին զանկայել գործս այլազգեաց, և աղաչեցին զնա՝ զրով ծանուցանել զիրս Արքային. զի գոնէ հրամանաւ նորին բարձցին հակառակութիւնք այլազգեաց, և նորա ընթերցեալ զվաւերական գրեանս, գրեաց 'ի Դուռն: Իսկ Սուլթան Ահմէտ հրամայեաց գրել հրովարտակ վասն այսրը, կալ մնալ Հայոց 'ի տեղւոջ յայնմիկ: Ղաղարիլ այլազգեաց 'ի տարապարտ ընդգլխութեանց, և զանհնազանդան ծանուցանել 'ի Դուռն. 'ի \ ձէ՛մազիլ ակըր, 1077 (1613):

Գրիգոր Պարոն Տէր՝ որդի Մարգարի՝ զաւակ բարեպաշտ ծնողաց, էր 'ի գաւառէն Վարանդոյ. 'ի սահմանս զանձակայ, (կենձէ). ծնեալ 'ի գիւղն սպիտակաչէն, մերձ 'ի վանս Եղիշէի Առաքելոյն՝ յաշխարհն Աղվանից: Ազգատոհմ սորա կոչին Վարդանանք. անուն հօրն Մարգարայ և մօրն Թուրվանտայ: Սա 'ի տիս մանկութեան իւրոյ անկաւ 'ի Թոնիր, և յազատիլ նորա անտի անխնաս. խոտոցան ծնողք նորին նուիրել զնա յերուսաղէմ՝ 'ի տաճար Տեառն. կալ 'ի սպան ծառայութեան Աստուծոյ, որպէս երբեմն Սամուէլ: Սակայն կանխահաս մահ ծնողացն թերի և անկատար թողին զփափաք նոցին: Իսկ մանուկն Գրիգոր լուեալ իսկ էր 'ի քահանայից զուխտ ծնողաց իւրոց, յորմէ տենջանօք փութացեալ եկն ընդ ազգակիցս իւր յերուսաղէմ. և յետ կատարելոյ զուխտն, դարձաւ անդրէն ընդ նոսա՝ 'ի Հայրենիս իւր: Եւ 'ի հասանիլ նորա յարբունս՝ ազգականք և մերձաւորք նորին՝ կամեցան մուծանել զնա 'ի կարգ աշխարհի. այլ նորա արհամարեալ զխորհուրդս նոցա և զբանս. խոյս ետ անտի՝ և եկն դարձեալ յերուսաղէմ (1581): Եւ կացեալ անդ սո ժամանակ մի՝ զնաց 'ի Հռոմ՝ յուխտ 'ի չիրիմս Ս. Առաքելոցն Պետրոսի և Պօղոսի, և անտի դարձ արար միւսանգամ յաշխարհ իւր. եւ ապա զնացեալ յարեցաւ 'ի Պետրոս վարդապետ Կարկառեցի, որ եւ յետոյ նստաւ Կաթողիկոս առանձին 'ի Բերիա: Եւ նորա տեսեալ զուշխմութիւն Գրիգորի, զճարտարութիւն 'ի բանս և զյաջողակութիւն 'ի գործս՝ կացոյց զնա 'ի վերայ մասնաւոր գործոց Երուսաղէմի, առանց կոչելոյ զնա յաստիճան եկեղեցականութեան: